



Na osnovu člana 62. stav (1) Zakona o upravi („Službeni glasnik BiH“, br. 32/02, 102/09 i 72/17), člana 10. stav (1) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 13. stav (2) Zakona o ravnopravnosti polova u Bosni i Hercegovini-prečišćeni tekst („Službeni glasnik BiH“, broj 32/10), zamjenik direktora Državne agencije za istrage i zaštitu, d o n o s i

ODLUKU

o politici nulte tolerancije prema djelima seksualnog uznemiravanja
i uznemiravanja na osnovu pola

Član 1.

Državna agencija za istrage i zaštitu (u daljem tekstu: Agencija) opredijeljena je da osigura radnu sredinu bez seksualnog uznemiravanja i uznemiravanja na osnovu pola za sve osobe.

Član 2.

- (1) Niko nema pravo da seksualno uznemirava ili uznemirava na osnovu pola bilo koju osobu na radnom mjestu i u vezi sa radom.
- (2) Navedeno se posebno odnosi na:
- pravo na radnu sredinu bez seksualnog uznemiravanja i uznemiravanja na osnovu pola;
 - obavezu reagovanja kada su druge osobe žrtve seksualnog uznemiravanja i uznemiravanja na osnovu pola;
 - obavezu prijavljivanja seksualnog uznemiravanja i uznemiravanja na osnovu pola;
 - pravo na povjerljivost podataka disciplinskog postupka.

Član 3.

- (1) Seksualno uznemiravanje ili uznemiravanje na osnovu pola zabranjeno je zakonima Bosne i Hercegovine.
- (2) Ovim propisima utvrđeno je da seksualno uznemiravanje i uznemiravanje na osnovu pola postoji kada se radi o ponašanju koje je:
- neželjeno;
 - verbalno, neverbalno ili neprimjereno fizičko ponašanje;
 - seksualne prirode ili na osnovu pola;
 - zастрашujuće, neprijateljsko, degradirajuće, ponižavajuće ili uvredljivo ili kojim se

postiže takav učinak.

Član 4.

Agencija će preduzeti sve mjere utvrđene pozitivnim propisima kako bi se ispitale sve okolnosti vezane za seksualno uznemiravanje i uznemiravanje na osnovu pola na radu i u radnim odnosima, te će osigurati da osoba koja prijavi ova djela neće trpjeti posljedice zbog te činjenice.

Član 5.

Svi zaposleni u Agenciji imaju pravo da podnesu zahtjev/prijavu za pokretanje disciplinskog postupka ukoliko smatraju da su seksualno uznemiravani i uznemiravani na osnovu pola.

Član 6.

Ova odluka stupa na snagu danom donošenja.

Broj: 116-11-02-2-PA7-1/20
Istočno Sarajevo, 16.02. 2020. godine

ZAMJENIK DIREKTORA
GENERALNI INSPEKTOR POLICIJE


Đuro Knežević